

ազնիւ բնծայ չքանչան արծիւ երկզլսի, զոր 'ի գիրս կոչեն զայն Եղիար :

Առաւել նեղեալ Պետրոսի և չգտեալ հանգիստ կենաց 'ի բռնութենէ այլազգեաց և 'ի չքաւորութենէ, եւ և գնաց 'ի Յոսպէ, ուր էր բանակն Արքունի, յոտս մեծի Վէզիրին (1800 . 'ի 11 Մայիսի) գտանել օգնութիւն 'ի նմանէ, ձեռնտուութեամբ առն բարեպաշտի Անտօն Ամիրայի :

Իսկ միարանք Յունաց, որք յերուսաղէմ, անկան 'ի կասկածանս, թէ գնաց Պատրիարքն Հայոց աղաչել զնպարքոսն առնուլ 'ի ձեռաց Յունաց զսեղանն յԱյրին Մնքնդեան Քրիստոսի 'ի Բեթղէհէմ եւ զՔոզղոթայն . վասն այսորիկ սկսան երկնել 'ի միտս իւրեանց հասուցանել չարիս Հայոց, որպէս և արարին իսկ . զորմէ գրեսցուք :

Եւ մինչդեռ Պետրոս եպիսկոպոս դեգերէր 'ի Յոսպէ առ Վէզիրն եւ առ այլ մեծամեծս, եհաս նմա հիւանդութիւն և անկաւ 'ի մահիճս, և չգտեալ դարման 'ի բժշկաց՝ վախճանեցաւ անդ (1800 . Յունիս 18) երկու շաբթի, ժամ 9, եւ թաղեցաւ 'ի դերեզմանատան հասարակաց՝ թողեալ 'ի սուգ և 'ի տրտմութիւն զմիաբանս վանայ Ս . Յակոբայ, որ եւ յետոյ 1837, փոխադրեցան ոսկերք նորա 'ի գաւիթ եկեղեցոյն :

Չեւ եւս սրբեալ միաբանաց զարտասուս յաչաց, եհաս հրաման 'ի մեծէ Վէզիրէ՝ փութալ 'ի բանակն փոխանորդաց և թարգմանաց Հայոց և Յունաց . Պետրոս եպիսկոպոս Փոխանորդն եւ թարգմանն, ընկերացեալ Յունաց գնացին անդ : Եւ եղեւ իբրեւ յանդիման եղեն նմա, լուան զաստ բարկութեան նորին, և փոքու իմն պատահիլ ունէին պատուհասի . խնդրեաց 'ի նոցանէ սատար լինիլ բանակին . զի թշնամիք կողոպտեալ և մերկացուցեալ էին, և պահանջէր յերկուց վանաց 2000 քսակս արծաթոյ . և նոցա անկեալ յոտս նորին պաղատէին և յայտ առնէին զյետին չքաւորութիւն եւ գերկամեայ տառապանս իւրեանց զոր կրեցին . զկնի բազում բանից և աղաչանաց, զիջաւ սակաւ ինչ Վէզիրն 'ի ցամանէ իւրմէ . բայց սալպեաց զնոսա անպատճառ հասուցանել 'ի բանակն 1000 քսակ : Դարձ արարեալ սոցա յերուսաղէմ, յայտ արարին զիրս միաբանաց . և զի յայնմ ժամանակի ոչ միայն չգտա-